



**TEKS UCAPAN ALU-ALUAN**

**YBHG. DATUK DR. ROSE LENA BINTI LAZEMI**

**KETUA PENGARAH BAHAGIAN HAL EHWAL UNDANG-  
UNDANG**

**JABATAN PERDANA MENTERI**

**SEMPENA**

**SEMINAR PEMBANGUNAN PELAN TINDAKAN  
NASIONAL BERKAITAN PERNIAGAAN DAN HAK ASASI  
MANUSIA (NAPBHR) BERSAMA ORGANISASI  
MASYARAKAT MADANI (CSO), PERTUBUHAN BUKAN  
KERAJAAN (NGO) DAN ENTITI PERNIAGAAN**

---

**Tarikh : 19 Februari 2020 (Rabu)**

**Masa : 9.45 Pagi**

**Tempat : Dewan Saksama Aras 2  
Bahagian Hal Ehwai Undang-Undang**

**Bismillaahir Rahmanir Raheem**

**Assalaamu`alaikum Warahmatullaahi Wabarakaatuh**

**Salam Sejahtera dan Sayangi Malaysiaku**

**Terima kasih Tuan/Puan Pengacara Majlis.**

**Yang dialu-alukan, ahli-ahli panel untuk seminar pada pagi ini;**

- (i) YBhg. Prof. Dato' Dr. Aishah Hj. Bidin,  
Pakar Rujuk untuk Business and Human Rights &  
Pensyarah Undang-Undang, Universiti Kebangsaan  
Malaysia**
  
- (ii) YBhg. Dato' Mah Weng Kwai,  
Pesuruhjaya  
Suruhanjaya Hak Asasi Manusia Malaysia  
(SUHAKAM)**
  
- (iii) YBrs. Puan Nor Azimah Abd Aziz,  
Timbalan Ketua Pegawai Eksekutif (Perkhidmatan  
Korporat),  
Suruhanjaya Syarikat Malaysia (SSM)**

- (iv) Encik Rashyid Redza Anwarudin**  
***Head of Sustainability Reporting and Social Performance***  
***Sime Darby Plantation***
- (v) Pn Malarvili Meganathan**  
***Project Officer***  
***International Organization for Migration***
- (v) YBrs. Dr. Andika Ab. Wahab, (Moderator)**  
***Fellow, Institute of Malaysian and International Studies (IKMAS), selaku Moderator kita pagi ini***

**Yang Berbahagia Dato'/ Dr./ Tuan-tuan dan Puan-puan yang saya hormati sekalian.**

## **PENGENALAN**

**1. Jemaah Menteri pada 6 Disember 2019 telah bersetuju dengan cadangan pewujudan Pelan Tindakan Nasional Berkaitan Perniagaan dan Hak Asasi Manusia. Pembangunan Pelan Tindakan ini merupakan sebahagian dari tanggungjawab Kerajaan untuk menyebarkan dan melaksanakan UN *Guiding Principles on Business and Human Rights* (UNGP). UNGP menggariskan tiga perkara iaitu tanggungjawab Kerajaan untuk melindungi hak asasi manusia; tanggungjawab entiti perniagaan untuk menghormati hak asasi manusia; dan kedua-dua Kerajaan dan entiti perniagaan juga hendaklah memastikan remedi yang efektif sekiranya berlaku pelanggaran atau pencabulan hak asasi manusia.**

**2. Usaha untuk membangunkan Pelan Tindakan ini sebenarnya telahpun bermula sejak beberapa tahun yang lepas. Pihak Suruhanjaya Hak Asasi Manusia (SUHAKAM) di antaranya telah melaksanakan pelbagai aktiviti seperti forum, perbincangan, kajian dan siasatan ke atas pelbagai bentuk pelanggaran hak asasi manusia yang terhasil dari tindakan pelbagai entiti perniagaan. Pihak SUHAKAM juga dengan kerjasama pihak United Nations country team telah berjaya menerbitkan Kerangka Strategik Pelan Tindakan berkaitan Perniagaan dan Hak Asasi Manusia di Malaysia pada tahun 2015. Pihak SUHAKAM selanjutnya telah mengadakan pelbagai aktiviti dan forum bagi menyebarkan dan memperkenalkan UNGP kepada pelbagai pihak di samping mengenalpasti dan mempromosi amalan terbaik dalam melaksanakan UNGP.**

**3. Seterusnya pada 20 Jun 2019, Jemaah Menteri telah bersetuju supaya Bahagian Hal Ehwal Undang-Undang, Jabatan Perdana Menteri (BHEUU, JPM) menjadi *Focal Agency* bagi menyelaras isu-isu berkaitan hak asasi di peringkat domestik, bagi membantu Yang Berhormat Menteri di Jabatan Perdana Menteri (Undang-undang dan Hal Ehwal Parlimen) selaku Menteri yang bertanggungjawab terhadap isu-isu hak asasi manusia. Di antara inisiatif awal yang telah dilaksanakan oleh BHEUU ke arah ini ialah penganjuran *National High-Level Dialogue on Business and Human Rights* bertemakan “Towards A Malaysian National Action Plan (NAP) on Business and Human Rights”. Dialog ini telah diadakan pada 24 Jun 2019 secara kerjasama terutamanya dengan SUHAKAM dan *United Nations Development Programme (UNDP)*. Beberapa siri perbincangan susulan dan pembangunan kapasiti juga telah diadakan sepanjang separuh kedua tahun**

**2019 termasuk sesi *dialogue* bersama kedutaan Belgium dan Netherlands serta pakar-pakar yang telah membangunkan Pelan Tindakan ini di negara masing-masing.**

**4. Pada tahun ini, bermula dengan program Seminar kita pada pagi ini kita pergiatkan lagi aktiviti ke arah pembangunan Pelan Tindakan negara berkaitan Perniagaan dan Hak Asasi Manusia. Seminar ini adalah penting sebagai permulaan fasa Pembangunan Pelan Tindakan ini di Malaysia. Sehubungan itu, terima kasih saya ucapkan kepada lima (5) orang panelis yang telah bersetuju untuk sama-sama berkongsi kepakaran dan pengalaman mereka dalam bidang masing-masing sama ada di peringkat Kebangsaan mahu pun Antarabangsa.**

**5. Untuk makluman Yang Berbahagia Dato'/ Dr./ Tuan-tuan dan Puan-puan yang saya hormati sekalian, bagi**

**merealisasikan pembangunan Pelan Tindakan negara ini, perancangan kerja adalah terbahagi kepada empat fasa iaitu: Fasa Persediaan (Tahun 2019 -2020); Fasa Pembangunan (bermula tahun 2020 - 2021); Fasa Pelaksanaan (bermula Tahun 2022); serta Fasa Pemantauan & Penilaian (bermula tahun 2022). Setiap satu perkara ini akan diperjelaskan lagi oleh YBhg. Prof. Dato' Dr. Aishah Hj. Bidin, Pakar Rujuk untuk Business and Human Rights dan Pensyarah Undang-Undang, Universiti Kebangsaan Malaysia, sebentar lagi.**

**6. Tiga lagi inisiatif penting yang akan kita laksanakan pada tahun ini ialah penubuhan Jawatankuasa Pemandu dan Teknikal Penyediaan Pelan Tindakan Nasional berkaitan Perniagaan dan Hak Asasi Manusia yang melibatkan keanggotaan meliputi wakil-wakil agensi Kerajaan, Entiti Perniagaan, SUHAKAM, Agensi Kawalselia, Pertubuhan Bukan**



**Kerajaan, dan juga Masyarakat Madani. Kedua-dua Jawatankuasa ini akan mula bermesyuarat pada bulan Mac sebaik sahaja keanggotaannya dimuktamadkan. Kita juga akan menganjurkan satu Persidangan Peringkat Kebangsaan berkenaan isu-isu utama yang melibatkan Perniagaan dan Hak Asasi Manusia pada bulan April. Persidangan ini akan melibatkan semua *stakeholder* yang telah dikenalpasti dalam pembangunan Pelan Tindakan ini.**

**7. Seterusnya, Fasa Pembangunan pada tahun ini juga akan meliputi aktiviti pengumpulan data untuk *National Baseline Assessment* (NBA). NBA akan digunakan bagi menilai tahap semasa pelaksanaan UNGP di Malaysia di mana gabungan analisis jurang perundangan dan dasar semasa bersama-sama gambaran keseluruhan impak negatif perniagaan terhadap hak asasi manusia akan digunakan bagi**

**mengenalpasti isu-isu penting berkaitan hak asasi manusia. Pelaksanaan NBA dengan itu akan membantu kita memahami situasi sebenar di lapangan supaya setiap keputusan yang dibuat berkenaan tindakan-tindakan utama yang akan dikenalpasti dalam Pelan Tindakan yang akan dibangunkan kelak adalah berdasarkan fakta dan bukti.**

**Yang Berbahagia Dato'/ Dr./ Tuan-tuan dan Puan-puan,**

**8. Entiti perniagaan mempunyai tanggungjawab yang besar dalam memastikan aktiviti perniagaan yang dilaksanakan sama ada di dalam mahupun di luar negara, adalah berlandaskan prinsip integriti dan menghormati hak asasi manusia. Prinsip ini penting kerana ianya dapat mempertingkatkan reputasi entiti-entiti perniagaan di samping membantu Malaysia**

**memperkukuhkan daya saing ekonomi di peringkat antarabangsa.**

**Yang Berbahagia Dato'/ Dr./ Tuan-tuan dan Puan-puan yang saya hormati sekalian.**

## **PENUTUP**

**9. Semua perancangan ini akan hanya boleh dicapai dan dilaksanakan dengan kerjasama semua pihak dalam memastikan Pelan Tindakan ini memberi manfaat kepada Malaysia. Ia juga adalah penting bagi memastikan Malaysia berada di landasan yang betul untuk menuju ke arah status negara maju secara mampan selaras dengan komitmen Malaysia untuk melaksanakan Agenda 2030 bagi Matlamat Pembangunan Mampan (SDG).**

**10. Seminar ini diharapkan dapat menjelaskan kepada semua peserta, implikasi yang akan dihadapi oleh Malaysia jika isu-isu pelanggaran hak asasi manusia terus dipinggirkan selain menjadi platform untuk semua pihak berkepentingan berkongsi pandangan serta menjalinkan hubungan strategik antara satu sama lain serta mengoptimumkan sumber yang ada demi pembangunan Pelan Tindakan Nasional berkaitan Perniagaan dan Hak Asasi Manusia. Oleh itu, bagi pihak BHEUU saya amat menghargai dan berterima kasih di atas kehadiran semua ke Seminar Pembangunan Pelan Tindakan Nasional Berkaitan Perniagaan dan Hak Asasi Manusia bersama-sama Organisasi Masyarakat Madani (CSO), Pertubuhan Bukan Kerajaan (NGO) dan Entiti Perniagaan pada pagi ini.**

**11. Saya juga amat mengalu-alukan tuan-tuan dan puan-puan untuk berinteraksi secara aktif dengan penceramah dan ahli-ahli panel kita sepanjang sesi ini berlangsung sebentar lagi.**

**Sekian, Wabillahitaufik Walhidayah Assalamualaikum Warahmatullahi Wabarakatuh.**

**Disediakan oleh:**

**Seksyen Dasar & Penyelidikan**

**Bahagian Hal Ehwal Undang-Undang**

**Jabatan Perdana Menteri**

**Tarikh: 18 Februari 2020**